

que desierunt, atque ejus mutatæ disciplinæ causæ præsertim fuerunt canonicae pœnitentiae commutatio cum certis precibus, & corporis flagellis, cum pecunia collata in pauperes, atque in alios pios usus conversa, aut cum laborioso aliquo opere, quod in bonum Ecclesiæ redundaret; & ideo peccatores sæpe sunt jussi arma capere contra hæreticos, aut infideles; & communis prope Theologorum ejus ætatis sententia fuit, pœnitentiam in foro conscientiæ Sacerdotis arbitrio esse constituendam, quæ omnia late enarrat Morinus de Pœnitent. l. 10. c. 16. & 25.

(2) Magna erat veterum Patrum cura, & diligentia, ut propria remedia, & justa pro unoquoque crimen pœnitentia tempora constituerentur. Ea de re agebatur in conciliis, ubi plures conditi sunt canones, consulebantur etiam primarum sedium Episcopi, & qui ceteris pietate, ac doctrina præstarent, & hi suas dabant literas, quibus aptam, & idoneam ad singula crimina pœnitentiam, & ejus quoque tempus stabiliebant. Hinc collecti sunt canones pœnitentiales, ex quorum auctoritate pœnitentia imponébantur; & ideo cum Episcopi synodus habebant, inter cetera monebant Presbyteros, ut non ex corde, sed sicut in pœnitentiali scriptum est, pœnitentias darent apud Reginonem l. 1. c. 98. Similiter Episcopi, cum diece- sim lustrabant, illud in primis quærebant, num presbyter haberet librum pœnitentiale, & num secundum ejus leges pœnitentiam imponeret, ut patet ex Buchardo. II. 1. c. 94., & Reginone l. 1. c. 95. Multi adhuc extant hujusmodi libri Pœnitentiales evulgati à viris eruditis, quos memorat Benedictus XIV. de Synod. diæces. I. 1. c. 11. n. 3.

(3) Concilium Tridentinum Sess. 14. c. 8. de Pœnitent.

(4) Consule S. Carolum Borromeum in Prefat. ad can. pœnit., & Card. de Aguirre ad Can. 11. & 12. Concilii Toletani III. t. 2. collect. maxim. Concil. Hispan.

§. LXXX. Absolutio primis Ecclesiæ sæculis, ut plurimum, post actam pœnitentiam concedebatur (1). Verum cum ea res ad disciplinam pertineat, nullaque sit necessitas præmittendæ pœnitentia, ut integrum sit sacramentum, labentibus annis invaluit usus tribuendæ absolutio, antequam pœnitentia peragatur. Quin & vetusta ætate quamquam ea, quam memoravi, disciplina obtineret, tamen sæpe ante emensa pœnitentia spatia absolutio dabatur, si quem libelli martyrum commendarent, si quis præclaram pietatis significacionem edidisset, si qua gravis urgeret causa, quæ mitio-

rem disciplinam postulare videretur (2); diuque obtinuit, ut statim post confessionem dimitterentur criminæ, quæ publica pœnitentia expiare non oportebat (3). Merito hinc damnatae, & proscriptæ sunt duriores, asperioresque sententiae illorum, qui Christi lege institutum ferunt, ut pœnitentia absolutioni præeat, ac minus probant eam, quæ nunc viget, disciplinam, per quam absolutio pœnitentiam antevertit (4).

(1) Cyprianus Ep. 10. 52. 59. p. 23. 66. 94. ed. Paris. 1666., Pacianus Ep. 1. ad Sympronian. p. 307. Bibl. PP. t. 4. ed. Lugd., Ambrosius de Pœnit. l. 2. c. 9. col. 549. t. 3. c. ed. Ven., Innocentius I. Ep. 25. ad Decent. col. 862. apud Constantium Ep. Pontif. Roman., Leo. M. Ep. 84. ad Theodor. Foro Julian. Episc. opp. t. 2. p. 328. ed. Rom. c., Concilium Toletanum III. c. 11. col. 481. t. 3. collect. Harduini.

(2) Cyprianus Ep. 18. & 19. ad Caldon. 52. 54. col. 71. 73. 163. 187. ed. Ven. 1758. Cornelius Ep. ad Cyprian., quæ inter Cyprianicas est Ep. 46. col. 147., Innocentius I. Ep. 25. ad Decent. n. 10. col. 862. apud Constantium Leo M. Ep. 108. ad Theodor. c. 4. col. 1175. opp. t. 1. ed. Ballerini. Ven. 1753., Concilium Nicænum Can. 13. apud Labbeum t. 2. Concil. col. 39. ed. Ven., Carthaginense IV. Can. 76. col. 1443. ib., Ancyranum Can. 5. col. 1487. ib., Arausicanum I. Can. 3. col. 702. t. 4., Epaenense Can. 36. col. 716. t. 5. ib.

(3) Consule Morinum de Pœnit. l. 9. c. 14.

(4) Sæculo XV. Petrus Oxomensis Theologiæ in Salmaticensi Academia Professor docuit, satisfactionem absolutioni omnino esse præmittendam, isque à Sixto IV. damnatus est. Superiori sæculo hunc errorem aliqui renovarunt, contendentes differendam esse absolutionem sacramentalem, ut prius aliqua saltem laboriosa opera à Sacerdote imposta Pœnitentes absolverent; sed eum damnarunt Alexander VIII. n. 16. 17. 18. in Bullar. Rom. p. 97. t. 9. ult. ed., & Clemens XI. in Constit. Unigenitus 187. p. 340. t. 10. ejusd. Bullar. Eudem hunc errorem, quem scripto mandarat Theophilus Brachet, Sacra Facultas Pariensis dic. 23. Jun. an. 1644. condemnavit.

§. LXXXI. Formam hujus sacramenti conficiunt verba illa absolutionis, quæ Sacerdos profert, non nudum præstans ministerium pronunciandi, remissa esse peccata, sed actum judiciale exerceens: Ego te absolvo

&c. quibus de Ecclesiæ more preces quædam laudabiliter adjunguntur, ad ipsius tamen formæ esentiam nequam spectant, neque ad ipsius sacramenti administrationem sunt necessariae (1). Judicativa hæc forma antiquissima certe est apud Latinos (2); de Græcorum forma non eadem omnibus sententia est (3).

(1) Concilium Tridentinum Sess. 14. de Sacram. pœnit. cap. 3. & 6.

(2) Joannes Morinus l. 8. de Administrat. pœnitent. multis capitibus defendit, deprecavitam fuisse formam sacramenti Pœnitentiae, qua usque ad sæculum XII. Latini usi sunt. Morinum complantes sequuntur, licet fateantur, nunc tantum judicativam esse formam, quam Synodus Florentina, ac Tridentina proposuit. Contra Latinorum formam & nunc esse, & semper fuisse judicativam, contendit Edmundus Simonetus de Forma Sacrament. Pœnitent. in Thesaur. Theologic. t. 11. Opusc. 9. p. 483. & seq. Aëtate S. Thomæ, qua pertinet ad sæculum XIII. judicativa forma jamdudum inducta erat, de eaque loquitur ipse Thomas Opusc. 23. alias 22. c. 1., tantaquam antiquissima, & ubique recepta, imo potius existimare videtur, nullam aliam unquam obtinuisse. Martenius autem de Antiq. Eccles. rit. l. 1. c. 6. art. 5. §. 12. in quatuor antiquissimis libris ritualibus sese injudicativam formam deprehendisse testatur.

(3) Simonetus loco mox laudato art. 5. p. 535. & seq. Græcorum formam non deprecavitam, sed judicativam esse arbitratur. Sed alia sententia est Morino l. c. c. 12., Jueninio de Sacram. diss. 6. qu. 7. c. 2. art. 1., aliisque compluribus.

§. LXXXII. Minister sacramenti pœnitentiae est Episcopus, aut Sacerdos (1). Si quando à Diacono datam absolutionem constat (2), non id referendum est ad sacramentalem absolutionem, quæ rei crimen tollit, quæque ordinis propria est, sed ad cærimonialem absolutionem: quæ pœnitentem solvit legibus publice pœnitentiae, quæque etiam Diacono committi poterat, cum tota jurisdictionis sit (3). Similiter si quem laico sua interdum patefecisse crimina scriptum est (4), factum id fuit patientiae, & demissionis causa, non quod laicus per sacramentum pœnitentiae solvere quemquam posset (5).

(1) Concilium Tridentinum Sess. 14. de Pœnit. c. 6., Euge-

nus IV. in Decret. union. Artien. t. 9. collect. Harduini col. 440., Leo X. Const. 44. t. 3. par. 3. Bullarii p. 489., ubi inter ceteros damnatur Lutheri error, quod videlicet in sacramento pœnitentiae, ac remissione culpæ non plus facit Papa, aut Episcopus, quam infimus Sacerdos; ito, ubi non est Sacerdos, & que tantum quilibet Christianus, etiamsi mulier, aut puer esset. Quo in luto aute Lutherum hæsitaverant Wicleffus, Flagellantes, & Hussites qui spreto Sacerdotis Tribunalis sua apud laicos crimina confitebantur, atque ab iis absolutionem obtinebant, ut videre est in lib. 3. de Gestis Baldevini de Luczenburch. c. 9. apud Baluzium Miscellan. Histor. t. 1. p. 324. ed. Luc. 1761. Quamquam, ut in ceteris, ita etiam in hoc errore Lutherus inconstans, & varius de Captivit. Babylon. unum Baptismum Sacramentum habeat: quo factum est, ut quasi duæ familiae proseminalæ sint Lutheranorum, quorum alii Pœnitentiam sacramentum esse affirmant, alii negant. Adeo verum est, nonnisi in Ecclesia catholica unam semper, & eamdem esse fidem.

(2) S. Cyprianus Ep. 12. p. 25. ed. Paris. cit., Constitutiones Odonis Parisiensis Episcopi c. 56. t. 6. par. 2. col. 1946. collect. Harduini, Cap. Fures de Furtis, si vera est lectio, quæ vulgo traditur, Presbytero, vel Diacono confessi fuerint, Nam Antonius Augustinus in Not. ad prim. Collect. Decretalium l. 5. tit. 26. c. 4. p. 326. ed. Luc. 1769. legendum esse monet Presbytero, vel Deo, uti est in Can. 31. Concilii Triburensis col. 449., t. 6. collect. Harduini, unde illud caput desumptum est.

(3) Confer Cardinalem de Aguirre Concil. Hispan. t. 1. p. 729., Natalem Alexandrum Hist. Eccles. sæc. 3. diss. 4. t. 4. p. 49. ed. Ven. 1776., & Benedictum XIV. de Synod. Diæces. l. 7. c. 16. n. 5. ad 8. Late etiam, ac solide hoc argumentum persequitur Carolus Blaschus Diss. 1., & contra Basnagium, Launoium, atque alios ostendit, nunquam Diaconos, etiam urgente necessitate, pœnitentiae sacramentum administrasse.

(4) Can. Qui vult de pœnit. dist. 6. Multa hujusmodi exempla colligunt Morinus de Pœnitent. l. 8. c. 24., Jueninius de Sacram. diss. 6. qu. 5. r. 4. art. 2., Martenius de Antiq. Eccles. rit. l. 1. c. 6. art. 6. §. 8. p. 274. t. 1. cit. ed. Ven.

(5) Vide D. Tomam in 4. dist. 17. qu. 3. art. 3. qu. 2., & vide etiam Benedictum XIV. l. c. n. 9. & seq.

§. LXXXIII. Ut autem valeat absolutio, in ministro requiritur non tantum potestas Ordinis, per quam ei ex divina institutione committitur judicium animarum in foro pœnitentiae sed etiam jurisdictionis. Potestas Ordinis efficit, ut Presbyter judicium hoc sacramentaliter

Tom. II.

Q

exercere possit; sed frustra id exerceret, nisi haberet subditos, in quos suam explicet potestatem. Atque haec est potestas jurisdictionis, quae tota pendet ex imperio in subditos, adeo ut sine subditis nulla sit. Cetera sacramenta sine hac potestate conferre non licet, sed tamen valent collata cum sola ordinis potestate: verum sacramentum poenitentiae utramque desiderat; quoniam opus est ministro, per quem & conferatur gratia, & fertur sententia, quae tantum valet prolati in eos, qui Judicis jurisdictioni subjecti sunt (2).

(1) Concilium Tridentinum Sess. 14. de Sacram. penitent. c. 6. & Can. 9., & Catechismus Romanus par. 2. c. 5. §. 54.

(2) Consule Cl. Christianopolum in libro della Nullità delle assoluzioni ne' casi riservati c. 2. §. 3. §. 109. p. 158. & seq.

§. LXXXIV. Jurisdictione penes Episcopum in omni dioecesi est, & ideo nisi quis eam ab Episcopo obtineat, in ejus subditos exercere judicium, ac sententiam ferre non potest. Parochi, cum animarum curæ præficiuntur, sui officii jure obtinent hanc potestatem; quia cum Parochi sicut, accipiunt ab Episcopo subditos, quos regant, & in quos jurisdictionem exerceant. Ceteri Sacerdotes, quibus nulli cum beneficio subditati sunt, opus habent venia Episcopi, a quo ad hoc munus apti, & idonei judicentur, ac munieris gerendi potestatem accipiant (1). Itaque Parochi posteaquam rite constituti sunt, jure proprio; reliqui Sacerdotes, sive ex secularibus, sive ex regularibus, jure delegato poenitentiae sacramentum administrant (2).

(1) Concilium Tridentinum Sess. 23. cap. 15. de Reformat. Consule B. nedictum XIV. Instit. Eccles. Instit. 86.3 ubi multa sunt, quæ ad hunc locum pertinent.

(2) Nullus ita sit temerarius, inquit Patres Gallicani in Comitiis generalibus an. 1625. 1635. 1645., ut ingerat se audiendis confessionibus, quin ad id facultatem scripto traditam ab Episcopo, aut ejus Vicario generali obtinuerit. Religiosi, quamvis excepti ab illius jurisdictione, recipere non poterunt confessiones, quin prius examen subierint, ab eoque, aut ejus Vicario generali appro-

batis fuerint, et quorum natura pendebit, ut in infinitam; aut ad tempus solum facultatem concedant. Hinc Pius IV. Const. in Princpis Apostolorum 109. Bullar. Romani. ult. ed. t. 4. par. 2. p. 214. & Urbanus VIII. Const. Cum sicut accepimus 279. t. 6. par. 1. ejusd. Bullar. p. 142. sustulerunt privilegia omnia concessa Regularibus, adisque omnibus audiendi secularium confessiones, non impetrata primum ab Episcopo facultate. Alias eadem de re propositiones a Regularibus quibusdam Andegavensis evulgatas contra Episcoporum potestatem fixere Clerus Gallicanus in comitiis generalibus an. 1656., & Alexander VII. die 24. Septembris 1665. Const. 120. ejusd. Bullar. t. 6. par. 6. p. 84.

§. LXXXV. Haec autem ab Episcopo data potestas modo angustioribus coercetur finibus, & modo latioribus explicatur. Nam ea res pendet ab Episcopi arbitrio, qui ut jurisdictionem attribuit, ita eam arcat constringit, explicat suo arbitratui. Ex quo patet, posse Episcopum suo libitu tantum in certos homines, atque in certa crimina potestatem concedere; unde intelligitur, quamobrem Sacerdotes nequeant ferre sententiam in certos homines, ac judicare de quibusdam criminibus quorum sibi judicium Episcopus reservavit. Inde jus oritur casuum, quos reservatos vocamus, quod efficit, ut Sacerdos, excepto mortis articulo (1), nihil possit in iis rebus, quarum potestatem Episcopus non mandaverit (2).

(1) Mortis articulus a periculo differt. Est namque mortis periculum, inquit Melchior Canus de Penitent. par. 9., in his dumtaxat unde mors frequenter solet accidere... At articulus mortis intelligitur, cum regulariter certa mors est. Non solum in articulo, sed etiam in gravi mortis periculo, cum abest Parous, aut aliis ab Episcopo approbatus confessariis, quemlibet Sacerdotem absolutiōnēm impartiri posse, ostendit Carolus Blasius in Appendic. ad Diss. 2. de Penitent.

(2) Concilium Tridentinum Sess. 14. de Sacram. penit. cap. 7. & Can. 11. Inquit autem ipsa Synodus cit. cap. 7., quod nulla sit reservatio in articulo mortis, atque ideo omnes Sacerdotes quoslibet penitentes a quibusvis peccatis, & censuris absolvere possunt. Quæ verba cum pateant amplissime, ac nullum Sacerdotem excipiant, omnibus fere Scriptoribus Juris Canonici argumento sunt, quod, urgente necessitate, absolvere possit quivis Sacerdos, etiam excom-

municatus, suspensus, degradatus, hæreticus, modo absit publica offendio, ac periculum subversionis. Graviter, & copiose in hoc argumenti genere versatur Carolus Blaschus *Diss. 2. de Pœnitent.* Verum autem adeo est, quod supra dixi, neminem sine Episcopi venia absolvere quemquam posse à casibus ipsi Episcopo reservatis, ut id etiam ad eos pertineat, qui absolvendi à casibus reservatis Sedi Apostolica facultatem obtinuerunt. Et habentes, inquit Clemens X. *Const. Superna 10. §. 7. p. 32. t. 7. Bullar. Roman. ult. ed.*, facultatem absolvendi ab omnibus casibus Sedi Apostolica reservatis, non ideo à casibus Episcopo reservatis posse absolvere. Consule S. Carolum Borromeum *Concil. Provinc. III. tit. de lis quæ ad pa- nit. sacram. pert. & Concil. Provinc. V. eod. tit. Act. Eccles. Mediolan. par. I. p. 79. & 190. ed. Patav. 1754.*

§. LXXXVI. Quod autem Episcopus in sua dioce- si, id potest Summus Pontifex supremo jure, cui sub- sunt omnes in Ecclesia universa. Nam per totam Eccle- siam ejus propagata, ac diffusa jurisdictio est; & ideo nulla est aliorum potestas in iis, quæ huic uni Summæ Potestati servata sunt (1). Ac recte quidem, & merito graviora quædam crimina Summo Pontifici, aut Epis- copo reservata sunt, ut ea difficultate absolutionis co- hiberentur, & gravioribus morbis peritiores medici re- medium adhiberent (2).

(1) Concilium Tridentinum *Sess. 14. de Pœnitent. c. 7. & me- rito sapientissimus, atque optimus Pontifex PIUS SEXTUS literis doctrinæ, veritatis, dignitatis, auctoritatisque plenis, quas edidit die 28. Novembris an. 1786., Eybelium damnavit ausum in libro Quid est Papa? calumniari reservationes absolutorum, quæ ad Sudem Apostolicam pertinent. De casibus à Summo Pontifice, aut ab Epis- copo reservatis, deque nullitate absolutio- nis, quæ contra reservationis legem data est, copiose disputat Cl. Christianopolus libro Romæ edito anno 1785., cui titulus: Della Nullità delle assoluzioni ne' casi riservati. Vide etiam Cl. Bolgenium in egre- gio libello Macerata edito an. 1785., cui titulus: Esame della vera idea della S. Sede §. 133. & 134. p. 208. & seq. Falsi autem sunt Van-Espenius Jur. eccl. univers. t. I. par. 2. tit. 6. c. 7. n. 9., & Dominicus Cavallarius Instit. Jur. Canon. par. 2. c. 16. §. 7. in not., qui graviora crimina Sedi Apostolice tantum reservari coepisse putant post sæculum X.; & initio quidem potius Episcoporum, quam Summorum Pontificum auctoritate. Nam Romanos Pontifices jam*

VI. sæculo quosdam sibi casus, ut dicimus, suo sibi jure reservare solitos fuisse, demonstrat S. Gregorius M., quem nemo ignorat absuisse quam maxime à violandis juribus Episcoporum. Is autem Ep. 7. l. 3. col. 63 t. 1. 2. opp. ed. Paris. cit. Joannem Larissensem Metropolitam, si quid ageret contra quam ab Sede Apostolica præscriptum fuisset, privandum statuit communione sacerdotum, quam non recuperaret, excepto ultimo vitæ suæ tempore, nisi concessa Romani Pontificis iussione. Vide etiam S. Leonem M. Ep. 12. ad Anistas. Thessaloniken. c. 1. & ult. p. 49. seq. & 55. seq. Homicidas autem ante annos circiter nongentos, quod vere observat Mar- tenius, de Antiq. eccles. rit. t. I. l. 1. c. 6. art. 6. n. 6. p. 273., venie impetranda causa ad Summum Pontificem missos fuisse con- stat ex lib. 3. de Gest. Sanctor. Rotonens. c. 1. sæc. IV. Benedic- tin. Cum autem homicidium esset ex genere eorum criminum, quæ in quibusdam Ecclesiis venie locum non relinquebant, fortasse cum hac disciplinae austeritas emolliri, ac mitigari cœpit, id retentum est, ut eorum graviorum criminum rei nonnisi à Sede Apostolica veniam consequerentur. Nam ea semper ipsius lenitas, benignitasque fuit, ut etiam cum antiqua vigeret disciplinae severitas, ipsa tamen justis de causis veniam interdum daret in criminibus, quæ alicubi ordinaria lege uni Dei judicio relinquiri, non autem ab Ecclesia dimitti sole- bant. Ita Tertullianus, posteaquam in Montani errores inciderat, Zephyrinum Pontificem reprehendit, quod veniam daret moechis, quibus illam alia Ecclesiæ antea denegare consueverant.

(2) Concilium Eliberitanum Can. 32. t. 1. Concil. collect. Labbæ col. 996. Apud Presbyterum, inquit, si quis gravi lapsu in ruinam mortis inciderit, placuit agere pœnitentiam non debe- re, sed potius apud Episcopum. Ergo gravius crimen jam tunc Episcopo reservatum erat. Sed & nota cunctis est antiqua Ecclesiæ disciplina de publica pœnitentia, quæ donec viguit, publice pœni- tentium reconciliatio ad Episcopum pertinebat, eademque obsele- scente Summi Pontifices, & Episcopi potestatem absolvendi à gravioribus quibusdam criminibus, extra mortis periculum, sibi reser- varunt. Quinimo non tantum Episcopis, sed etiam Majoribus Sedi- bus ab atrocioribus quibusdam criminibus absolutionem reservari consuevisse jam inde à V. ineunte sæculo, ostendit Synesius Ep. 67. unde constat, Theophilo Alexandrino Patriarchæ, cui Synesius su- berat, Lamponiani cujusdam absolutionem fuisse servatam. Inquit autem ipse Synesius cit. Ep. 67. p. 215. ed. Paris 1633. Sed ego in iis perseveravi, quæ semel decreveram; solvendi porro jus, & auctoritatem ad Pontificiam Sudem rejeci.

§. LXXXVII. Nullum esse scelus, quod Ecclesiæ potestati non subjiciatur, contra Montanistas, & No-

vatianos definitum est; & vero hanc potestatem initio Ecclesiam, nullo discrimine, exercuisse demonstrant Paulus (1), & Joannes Evangelista (2), quorum alter incestus in novercam reo, alter homicidæ veniam dedit (3). Quoniam vero Christus dimittendorum, æque ac retinendorum criminum jus Ecclesiæ fecit, non desperatione indulgentiæ, sed rigore disciplinæ (4), factum est, ut alicubi venia, & cum Ecclesia reconciliatio non daretur reis graviorum quorumdam criminum, quibus spes omnis veniæ in una Dei misericordia relinquebatur (5). Verum disciplina hæc, quæ non diu obtinuit (6), propria fuit peculiarium quarundam Ecclesiarum (7), non totius Ecclesiæ catholicæ, quæ reis criminum pœnitentia functis, præsertim in vitæ exitu, numquam pacem, aut sacramentalem absolutionem denegavit (8).

(1) *Ep. II. ad Corinth. c. 2.*

(2) Eusebius *Histor. Eccles. l. 3. cap. 23. p. 112. ed. Valerii Cantabrig. 1720.*

(3) Consule Hermam Pastorem lib. 2. *Mand. t. 4.*, & Auctorem *Constit. Apostolic. l. 2. cap. 23.* utrumque apud Cotelerium *PP. Apostolic. t. 1. p. 88. & 236. cit. ed. Amsteladami.*

(4) Augustinus *Ep. 185. ad Bonifac. n. 45. col. 661. opp. t. 2. ed. cit.*

(5) Graviora hæc crimina, quæ in iis locis cum Ecclesia reconciliationis spem adimebant, erant idolatria, homicidium, adulterium.

(6) Zephyrinus Pontifex mœchis veniam dedit; qua de re eum acerbe carpit Tertullianus *de Pudicit. c. 1. p. 555. ed. Ven. 1744.* posteaquam in Montani heresim lapsus fuerat. Verum Zephyrinus non novam aliquam disciplinam induxit, sed potius jam inductam confirmavit. Confer etiam Cyprianum *Ep. 52. col. 177. ed. Venet. 1758.*, qui mirari se ait, quosdam ita obstinatos esse, ut dandam non putent lapsis pœnitentiam, aut pœnitentibus existiment veniam denegandam, postremoque addit, neminem putamus à fructu satisfactionis, & spe pacis arcendum. Concilium Nicænum *Can. 19. col. 466. t. 1. Collect. Harduini nemini morienti sacramentalem absolutionem, quam viatici nomine appellat, denegandam statuit; qui canon ostendit, adhuc ea ætate quosdam fuisse, qui reis quorumdam criminum veniam denegabant. Secus*

enim ejus condendi canonis causa desuisset. Concilium Sardicense, quod non multo post Nicænum habitum est, *Can. 1. col. 637. t. 1. Collect. Harduini, Prælatis Ecclesiarum, qui per ambitionem sedem mutaverant, ne in exitu quidem laicam communionem habere permittit; quod decretum ita mitigavit Damasus Pontifex in Ep. ad Paul. Antiochen. apud Holstenium in Collect. Roman. part. 1. p. 183., ut illi à communione alieni haberentur, quamdiu ad eas redierint civitates, in quibus prius sunt constituti. Quam Pontificiam sancionem memorat etiam Theodoreetus Hist. eccles. l. 5. c. 11. p. 210. ed. Cantabrig. 1720. Sed & ante Damasum Julius I., quod Pontifice Sardicense Concilium habitum est, reum animarum dixit Presbyterum, qui morientibus veniam derigaret *Can. 12. caus. 26. quæst. 6.*, Cælestinus I., qui Summus Pontifex creatus est anno 423., *Ep. 4. ad Episcopos provinc. Viennæ. & Narbonen. c. 2. col. 1067. apud Constantium Epist. Roman. Pontific. graviter reprehendit Gallicanos Præsules, qui morientibus veniam denegabant, ac denique sic concludit: quavis tempore non est deheganda pœnitentia postulanti. Eadem sententia est Innocentii I. *Epist. 25. ad Decent. Eugubin. c. 7. col. 862. apud eumdem Constantium, & eadem Leonis M. Ep. 84. c. 3. opp. t. 2. p. 529. ed. Romæ 1755.*, cum inquit in dispensandis Dei dobris non debemus esse difficiles.**

(7) Fuit hæc disciplina quarundam in Africa Ecclesiarum, ut testatur Cyprianus *Ep. 55. ad Antonian. p. 247. ed. Amstelæd. 1700.*, & quidem apud Antecessores nostros quidam de Episcopis istic in provincia nostra dandam pacem mœchis non putaverunt, & in totum pœnitentiæ locum contra adulteria clauserunt. In Hispalijs graviorum quorumdam criminum reis etiam in exitu vite communionem denegatam ostendunt plures Eliberitani. Concilii canones; nemini tamen unquam pœnitentia copia denegata est. Imo eodem Eliberitano Concilio *Can. 22. t. 1. Concil. collect. Labbæ col. 995. ed. Ven.* cantum expresse est, ut hæretici ad Ecclesiam redeentes à pœnitentia non repellantur. Si quis, inquit, de Catholicæ Ecclesia ad heresim transitum fecerit, rursusque recurrerit, placuit, huic pœnitentiam non esse denegandam, eo quod cognoverit peccatum suum. Confer Natalem Alexandrum *Histor. eccles. sæc. 3. diss. 7. propos. 2. t. 4. p. 72. ed. Ven. 1776.*

(8) Dyonisius Petavius *Animadvers. ad Epiphan. heres. 59. t. 2. p. 227. ed. Paris. 1622.*, Gabriel Albaspinæus *l. 2. Observ. 7. p. 90. ed. Neap. 1770.*, Jacobus Sirmondus *Histor. pœnitent. public. t. 4. c. 1. col. 481. ed. Paris. 1696.*, Edmundus Martenius de *Antiq. eccles. rit. l. 1. c. 6. art. 2. t. 1. p. 261. ed. indic.*, aliquæ putant, tribus prioribus, aut saltem II., & III. sæculo Ecclesiam idololatri, homicidis, adulteris veniam denegare con-

suevisse. Contra Morinus de Pœnitent. l. 9. c. 20. & seq.; Natalis Alexander loco mox laudato, Cardinalis Capizucchius in Select. quæst. theolog. p. 52., Tournelyus Praelect. theolog. de Sacram. pœnitent. quæst. 9. art. 2., Balthasar Francolinus in Cleric. Roman. part. 1. disp. 2., aliique complures ostendunt, nunquam Ecclesiam ea severitatis venisse, ut reis atrociorum quorumvis criminum in vita exitu veniam non concederet. Præ ceteris vero Cardinalis Orsius peculiari ea de re edita dissertatione demonstravit, *Catholicam Ecclesiam tribus prioribus sæculis capitalium criminum reis pacem, & absolutionem neutiquam denegasse.* Certe in Ecclesiis quibusdam aliquamdiu viguit severior illa disciplina, quam ea ætate retinere licuit, cum adversus eam nulla adhuc Ecclesia lex esset. Verum Catholicæ Ecclesiae sententia semper fuit, nulla esse crimina, quorum rei vere pœnitentes veniam, & absolutionem aliquando non obtinerent. Hinc quemadmodum Tertullianum ab Ecclesiæ communione rejicit, ejusque nimiam severitatem repressit Zephirinus, Novatianum, qui crimum reis implacabilem se, in expiabilemque præbebat, Cornelius, deincepsque Innocentius; ita duritatem, & asperitatem Episcoporum aliquot Galliæ Cælestinus, & postea similem aliorum duritatem Leo M. damnarunt; quos & alii Romani Pontifices usque ad hanc nostram ætatem sequuti sunt, ex recentioribus S. Pius V., Gregorius XIII., Urbanus VIII., Innocentius X., Alexander VIII., & Clemens XI., qui antiquos Montanistas, Novatianos, Encratitas, Eustathianos, & Luciferianos in Michaeli Bajo, Cornelio Jansenio, ceterisque similibus redivivos nimiam, atque à Christi, & Ecclesiæ benignitate alienam severitatem præferentes damnarunt, & rejecerunt. Consule Cardinalem de Aguirre *Concil. Hispan.* t. 2. diss. 7. 8. & 9. in *Canon.* 11. & 12. *Concilii Toletani II.* vulgo III. anno 589. p. 358. & seq., ubi late agitur de antiqua Hispaniarum ea in re disciplina, & in *Not. ad Can.* 1. 2. 3. & 7. *Concilii Eliberatani* t. 1. p. 333. & seq., qui Eliberitani canones valde torquent eruditorum ingenia, cum diores, asperioresque videantur. De his ipsis canonibus agit etiam Cardinalis Orsius laudat. *Diss. sect. 4. c. 1. digress. 5. & c. 3. n. 4.*

SECTIO V.

DE EXTREMA UNCTIONE.

LXXXVIII. Effectus sacra-
menti Extremæ Unctionis.

LXXXIX. Ejus materia remota.

XC. Materia proxima.

XCI. Forma.

XCII. Minister.

XCIII. Parochus Minister ordi-

narius.

XCIV. Quibus datur hoc sacra-
mentum?

XCV. Græcorum unctio.

XCVI. Quando datur sacra-
mentum Extremæ Unctionis?

§. LXXXVIII.

Exrema Unctio, quæ & *Oleum Sanctum*, & *Oleum infirmorum* appellatur, sacramentum est, quod ex hac vita migrantibus tribuitur (1). Propterea dicitur Extrema Unctio, quoniam hæc omnium sacramentum unctionum, quas Christus Dominus Ecclesiæ commendavit, ultimo administranda est. Hujus sacramenti vim expressit Jacobus Apostolus his verbis (2); *Infirmatur quis in vobis inducat Presbyteros Ecclesiæ, & orent super eum, ungentes eum oleo in nomine Domini, & oratio fidei salvabit infirmum, & alleviabit eum Dominus: & si in peccatis sit, remittentur eis.* Quibus ex verbis facile est intelligere materiam, formam, ministrum hujus sacramenti; atque iis utitur, ut hæc cuncta explicet, Synodus Tridentina (3).

(1) Concilium Tridentinum Sess. 14. de Extrem. unct. Can. 1.

(2) Epist. Catholic. V. 14.

(3) Sect. 14. de Sacram. extrem. unct. c. 2.

§. LXXXIX. Materia, unde conficitur Extrema Unctio, est oleum olivarum (1), & oleum quidem merum; quoniam nulla permixtionis mentio in libris ritualibus, atque in antiquis monumentis occurrit (2). Oleum ab Episcopo benedictum esse debet (3), atque

Tom. II.

R

hæc quidem vetus Ecclesiæ consuetudo est (4). Apud Latinos solus Episcopus oleum infirmorum consecrat feria V. cœnæ Domini (5), ab eoque illud quotannis accipiunt singuli, quibus opus est (6); apud Græcos etiam Presbyteri; & vero non semel in anno, sed singulis vicibus, quibus illud adhibere oportet (7).

(1) Concilium Tridentinum Sess. 14. de Extrem. unct. cap. 1., Catechismus Romanus de Sacram. extrem. unct. part. 2. n. 5.

(2) Innocentius I. in Ep. 25. ad Decent. Episc. Eugubin. c. 8. col. 863. apud Constantium Ep. Rom. Ponif. hujus sacramenti materiam esse inquit oleum Chrismatis, qui locus Sacramentum t. 4. in 3. part. Disp. 40. sect. 1. n. 10., aliosque Scholasticos in eam opinionem adduxit, ut crederent, olim balsamum cum oleo misceri consuevisse. Verum saepe apud Ecclesiasticos Scriptores christia merum oleum infirmorum est. Confer Juenitium de Sacram. diss. 7. quæst. 3. c. 1., & Tournelyum de Sacram. extrem. unct. quæst. 1. art. 3.

(3) Eugenius IV. in Decret. pro instruct. Armen. Conc. Florent. col. 440. t. 9. Concil. collect. Harduini, Concilium Tridentinum Sect. 4. de Sacram. extrem. unct. Can. 2. Episcopus autem oleum benedit præsentibus Presbyteris, aliisque clericis, de quibus agit Pontificale Romanum tit. de Offic. in fer. V. cœnæ D. §. 3. ibique Catalanus in Not. n. 4. t. 3. p. 57. unde ut putat Martenius de Antiq. Eccles. rit. l. 4. c. 22. §. 3. n. 3. t. 3. p. 87. ed. cit., factum est, ut quidam Presbyteri sibi olei consecrandi protestarem adscriberent; sed iis restitutum concilium Carthaginense II. Can. 3. col. 1245. t. 2., & Toletanum I. Can. 20. apud Labbæum cit. t. 2. col. 1474. ed. Ven. Quæstio tamen, est inter Theologos, num ex Christi Domini institutione, an tantum ex Ecclesiæ præcepto Episcopi benedictio sit necessaria. Verum ut ex Christi institutione consecratio aliqua requiratur, ut oleum fiat apta materia sacramenti extrema unctionis, cum tamen illud ex delegatione Summi Pontificis sive tacita, sive expresa etiam à Presbytero benedici possit, tantum Ecclesiæ lege inductum est, ut oleum infirmorum ab Episcopo benedicatur. Consule Benedictum XIV. de Synod. Diæces. l. 8. c. 1. n. 4.

(4) Innocentius I. l. c. Gregorius M. in Sacram. col. 67. opp. t. 3. ed. Maurin. Paris. 1705.

(5) Disciplinam confiendi quotannis chrismatis feria V. in cœna Domini memorat Fabianus P. in Can. 18. de Consecr. dist. 3., verum hic canon pertinet ad Silesias Isidori decretales. Hoc certum est, ut observat Van-Espenius Jus eccles. par. 2. tit. 3. c. 3. n.

13., disciplinam illam sæculo VII. obtinuisse, quoniam eam memorant Sacramentarium S. Gregorii, Vetustus Ordo Romanus, atque omnes, qui per ea tempora de divinis Officiis scripserunt. Constitutus deinceps fuit etiam olei confiendi locus, scilicet Ecclesia cathedralis in c. 12. de Celebr. Miss.

(6) Non nisi à proprio Episcopo sacra olea, hoc est chrisma, & oleum catechumenorum, ac infirmorum accipendum est Can. 122. & 123. de Consecr. dist. 4. neque exemptionis privilegium aliquem ea lege solvit, quod late ostendit Passerinus de St. t. homin. t. 3. qu. 189. art. 10. inspect. 10. n. 910. & seq. Quotannis autem sacerdos hæc olea sumenda sunt; nam vetus, quod superest, ponitur ut inquit Rituale Romanum t. 1. Comm. tit. 2. c. 1. §. 34. n. 3. p. 71. ed. Rom. 1767., in lampadibus Ecclesiæ ante sacramentum, ut comburatur; Reliquum autem, quod est in pyxidibus, sive capsulis cum bombice igni comburitur; & novum deinde cum novo bombice in pyxidibus, sive capsulis imponitur. Vide etiam Concilium Provinciale IV. Mediolanense à S. Carolo habitum Act. Eccles. Mediolan. p. 17. t. 1. p. 113. ed. Patav. 1754.

(7) Confer Goarium in Eucholog. Græc. p. 436., Arcudium l. 5. c. 2., Allatum de Consens. utriusque eccles. c. 16. Quam Græcorum consuetudinem ratam habuit Clemens VIII. Instruct. seu Const. 107. Bullar. t. 5. par. 2. p. 72., & Benedictus XIV. Const. 57. §. 4. t. 1. ejus Bullar. p. 104. ed. cit.

§. XC. Consecrato oleo ægrotus inungitur; quæ unctio materia proxima appellatur. Quoniam vero Jacobus Apostolus nullam certam indicavit corporis partem, quam inungere oporteret, hinc varia ea de re fuit Ecclesiæ disciplina. Olim una pars corporis, puta pectus, inungi consuevisse videtur (1). Placuit deinde plures partes inungere, ac præter ceteras, alicubi partem morbo affectam (2), quo referebant verba Jacobi: & alleviabit eum Dominus. Nunc Latini ungunt quinque organa sensuum, videlicet oculos, aures, nares, os, manus, itemque pedes, & renes: verum renum unctio in foeminis propter honestatem omittitur, & omittitur etiam in viris, cum ea morbi vis est, ut infirmus commode moveri non possit (3). Græci Sacerdotes ungunt ægri frontem, mentum, ambas genas, deinde pectus, tum utramque manum, postremo pedes (4).

(1) Consule Mabillonum *Præf. ad sacer. I. Benedictin.* n. 97.
p. XXXVI. ed. Ven. 1733.

(2) Vide Menardum in *Sacram. S. Gregorii M. col. 540. & 541. t. 3. opp. S. Gregor. ed. cit.*

(3) Confer Rituale Romanum t. 1. in *Comm. tit. 5. c. 2. §. 15. n. 2. p. 336. ed. cit.*, & *Decretum Eugenii IV. pro instruct. Armen. col. 440. t. 9. Concil. collect. Harduini.* Constat inter omnes, pedum, ac renum unctiones necessarias non esse ad vim sacramenti; verum inter Theologos quæritur, num reliquæ quinque unctiones omnes necessario requirantur, ut integrum sacramentum sit. Plerique sic statuant, valere hoc sacramentum collatum per unicam unctionem, prolata tamen formula universalis, quæ sensus omnes complectatur; quod tamen facere non licet, nisi id summa necessitas postulet. Late ea de re agit Benedictus XIV. *de Synod. diœc. l. 8. c. 3.*

(4) Vide Arcudium *l. 5. c. 7.*

§. XCI. Formam comprehendunt preces, quas Sacerdos fundit, cum ægrotum ungit: *per istam sanctam unctionem, & suam piissimam misericordiam indulgeat tibi Dominus &c.* (1). Et quoniam Jacobus Apostolus non designavit verba, quibus Sacerdotem ungentem uti oportet, hinc Ecclesiæ variis orationibus, & formulis, iisque conceptis verbis tum precantibus, tum directis usæ sunt (2). Synodus Tridentina precativam formulam proposuit; sed cum non expresse rejecerit indicativam, hinc factum videtur, ut etiam post Synodum aliquæ Ecclesiæ eam formulam retinuerint (3). Nunc omnes Latini deprecativa formula utuntur; forma Græcorum non iisdem est concepta verbis, sed tamen eodem reddit, ac similiter deprecativa est (4).

(1) Concilium Tridentinum *Sess. 14. c. 1. de Extrem. unctione.*

(2) Albertus M. in *IV. dist. 23. art. 4.* plures vetustos Germaniæ rituales libros se legisse testatur, qui indicativam formam describunt, eamque disciplinam ab ipsis Gregorianam appellari dicunt. Sacramentale Venetum à Leone X., ut fertur, approbatum indicativam habet formam, quod Arcudius refert *l. 5. c. 5.* Plures etiam describit Morinus *de Sacram. pœnit. l. 8. c. 16.* aliarum Ecclesiæ formas, quæ conceptæ sunt verbis aut indicativis, aut

precibus intermixtis. Vide Menardum in *Not. ad sacrament. S. Gregor. not. 923. col. 537. & seq. t. 3. opp. S. Gregorii ed. Paris. 1705.*, & Martenium *de Antiqu. Eccles. rit. l. 1. c. 7. art. 3. §. 4. t. 1. p. 301. ed. cit.*

(3) Confer Benedictum XIV. *de Synod. diœc. l. 8. c. 2.*, ubi quæritur, num propter formam directis verbis prolatam sacramentum valeat.

(4) Vide Arcudium *l. c.*

§. XCII. Minister hujus sacramenti jure Divino est Episcopus, aut Sacerdos, quoniam uterque *Presbyter* est, quem Jacobus memorat (1). Et quoniam Jacobus plurali numero *Presbyteros* nominat, plures olim Sacerdotes apud Latinos vocari solebant (2), uti nunc etiam plures à Græcis vocantur (3), ad hoc sacramentum administrandum. Sed jamdiu in Occidentalî Ecclesia universa tantum Sacerdos unus adhibetur, atque eum solum recte ægrotum inungere certo jure cautum est. (4). Non enim pluralis numerus, quem Jacobus expressit, Divinum aliquod præceptum continet; cum præsertim in sacris libris sæpe pluralis numerus singularis vicem obtineat (5).

(1) Concilium Tridentinum *cit. Sess. 14. c. 3. Innocentius I. cit. Ep. ad Decent. Eugubin. e. 8.*, quem in locum vide Petrum Constantium in *Not. col. 863.*, ubi omnem evellit scrupulum, quem forte alia ipsius Innocentii verba de ministro extremæ unctionis injicere videntur posse.

(2) Id multis collectis monumentis ostendunt Menardus in *Sacramentar. S. Gregorii not. 909. col. 534. l. c.*, & Martenius *l. c. §. 3.* Quæ disciplina adhuc in Galliâ vigebat seculo XII, ut patet ex constitutionibus Odonis Episcopi Parisiensis apud Harduinum *Collect. Concil. t. 6. par. 2. col. 1941.*, imo vero eam deinceps etiam consequenti ætate obtinuisse, demonstrant synodalia Statuta Ecclesiæ Aduensis, Cadircensis, Ruteicensis, & Tutelensis apud Martenium *c. 17. t. 4. Anecdote*. Recte tamen animadvertis ipse Martenius, illam Latinæ Ecclesiæ consuetudinem non ita firmam, atque constantem fuisse, ut non interdum ab uno tantum Sacerdote ægrotus ungeretur. Nam Artemium febre correptum ab unico *S. Nepotiano visitatum*, atque oleo *S. perunctum* narrat *S. Gregorius Turonensis l. 1. Hist. c. 41. p.*